

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**OPĆINSKI SUD U TUZLI**  
**Broj: 32 0 St 495380 25 St**  
Tuzla, 30.03.2026. godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom Društvo sa ograničenom odgovornošću za proizvodnju, promet i usluge "SUHOPOLJKA" Doboj Istok, Klokotnica bb, Doboj Istok, nakon provedenog prethodnog stečajnog postupka, dana 30.03.2026. godine donio je

## **R J E Š E N J E**

**OTVARA SE stečajni postupak** nad imovinom dužnika Društvo sa ograničenom odgovornošću za proizvodnju, promet i usluge "SUHOPOLJKA" Doboj Istok, Klokotnica bb, Doboj Istok, MBS: 1-6818, JIB: 4209185860001.

Za stečajnog upravnika imenuje se Alma Topić, ul. Riječka broj 50, Gračanica.

**ZAKLJUČUJE SE** stečajni postupak nad imovinom dužnika Društvo sa ograničenom odgovornošću za proizvodnju, promet i usluge "SUHOPOLJKA" Doboj Istok, Klokotnica bb, Doboj Istok, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Sl. novinama Federacije BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

## **O b r a z l o ž e n j e**

Rješenjem Općinskog suda u Tuzli broj 32 0 St 495380 25 St od 27.11.2025. godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika Društvo sa ograničenom odgovornošću za proizvodnju, promet i usluge "SUHOPOLJKA" Doboj Istok, Klokotnica bb, Doboj Istok, a za privremenog stečajnog upravnika imenovana je Alma Topić, ul. Riječka broj 50, Gračanica, a sve temeljem člana 61. Zakona o stečaju ( Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 22.12.2025.godine. Iz izvještaja privremenog stečajnog upravnika proizilazi da su dužniku blokirani računi, da nema u vlasništvu poslovne prostorije niti drugu imovinu kako pokretnu tako i nepokretnu. Svi radnici su odjavljeni iz radnog odnosa. Stečajni upravnik je utvrdio da je osnivač Bekrić Hasan a direktor društva Bekrić Sedina. Glavni račun društva otvoren kod NLB Banke je blokirana, a društvo ima obaveze prema Poreznoj upravi FBiH u iznosu od 560.646,12 KM, kao i prema UIO BIH u iznosu od 375.114,86 KM, a ukupne obaveze moguće je utvrditi tek nakon podnesenih prijava povjerilaca.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

Stečajni upravitelj je mišljenja da su ispunjene pretpostavke za otvaranje stečajnog postupka nad imovinom dužnika Društvo sa ograničenom odgovornošću za proizvodnju, promet i usluge "SUHOPOLJKA" Doboj Istok, Klokotnica bb, Doboj Istok.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 02.02.2026. godine pozvao predlagača, povjerioci i sva zainteresovana lica da u roku od 30 dana od dana objavljivanja rješenja u službenim novinama uplate iznos od 5.000,00 KM na ime predujma radi otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 15/26 dana 25.02.2026.godine, oglasnoj tabli suda dana 03.02.2026.godine i na elektronskoj tabli suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

**Stečajni sudija**  
**Antonela Đaković**

#### **POUKA O PRAVNOM LIJEKU:**

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.